

義寧州志

第四冊

七卷至十三卷

風俗志

土產志

古蹟志
金邱墓附

封爵志

秩官志
舊文統轄

兵衛志
營制武轄
塘秩
汛

武事志

義寧州志卷第七

風俗

漢之西城民素尚義在宋置軍嘉名曾畀人敦氣節俗畏清議山谷興行濂溪敷治士巍簪紱氓勤耕織
帝曰知方邑名

加賜益勉敦龐共勗厥志志風俗

豫章學家分寧最盛鄉黨命儒者出入人皆知為可貴黃亞夫

檀集

有泰伯虞仲季子之風故處士有巖穴之雍容有屈原宋玉

枚臯之筆故文章有江山之秀發黃庭堅道院記

故寧遺俗皆知尚氣節畏清議黃幹文集

分寧多強宗大姓宋晉陵胡文恭集

義寧州志  卷七 風俗 一 三百九十五

分寧雖深僻險絕然代出偉人宋吳氏能改齋漫錄

高山深林與世俗遠古學之士多峩冠博衣深隱乎其中虞道

園集

山峭而水清人生其間者大率任俠尚氣吳草廬集

分寧土俗自來淳樸濂溪過化山谷興行民情士習猶有慕

善之誠元歐陽圭齋文集

忠節凜凜仁義藹然寧前後不僅山谷一人張東白山谷祠堂記

風氣藏聚別是一境不惟秀民之多文章節義之士所由出

楊廉州治記

濂溪絃鐸之地山谷桑梓之鄉諸生之文大抵秀穎靈異意

脉自然不襲常詮亦不墮今時惡習刑僉憲濂山會課序

居市井者多文學處田里者無囂訟明宏治志

其君子巍簪紱其細民勤耕織

萬恭撰記

其土厚而沃其民樸而淳其居處高明爽塏其氣候和煦熙恬其廛市貿易一切皆布帛菽粟不知有紫磨白鏹可珍其積聚蓋藏富者有十年之蓄貧者有三年之儲其俗自少至壯不覩雕幾纂組箜篌洞簫琵琶箏絃耳不聞官長是非口不道國家理亂目不識烽烟戍壘

錢簡栖九十九
曲洞天記

詩書禮樂攸萃蟬冕章紱儷古鄒魯

喻均撰志

峭削奇峯穎能畫漢潛泓修水冽可鑒眉固知為文章之奧府而節義之名區

黃牧文麟濂山社稿跋

其山秀削干雲其水澄泓不見底其士大夫多樸茂而溫文其小民黠者囂訟而質者知勤力業

方□庵重修儒學記

隆萬來尚義勤力城鄉士庶猶然成宏遺風州方志

義寧州志

卷七

風俗

二二
二百六十三

義寧州志卷七

終